

Division of Early Care and Education

KOJ COV LUS QHIA RAU KEV ZOV ME NYUAM MUAJ TXOJ CAI TSWJ

Koj cov ntsiab lus ntawm kev zov me nyuam cov cai

YOUR GUIDE TO REGULATED CHILD CARE – YOUR SUMMARY OF THE CHILD CARE RULES

HOM CHAW ZOV ME NYUAM MUAJ TXOJ CAI TSWJ

Cov Chaw Muaj Ntawv Tso Cai Zov Me Nyuam Hauv Tsev (Licensed Family Child Care Centers)

Ib qhov chaw zov me nyuam muaj txoj cai tswj raws li DCF 250 uas ib tus neeg zov thiab saib xyuas me nyuam tsawg dua 24 teev hauv ib hnuv twg rau tsawg kawg 4 tug me nyuam thiab tsis ntau tshaj 8 tus me nyuam uas tsis txheeb ze rau tus neeg zov me nyuam.

Cov qib hnuv nyoog me nyuam yuav sib txuam raws li nram no. Cov me nyuam qib hnuv nyoog kawm ntawv uas pub zov ntev txog 3 teev los yog luv dua hauv ib hnuv twg yog cov pom nyob hauv ob txoj kab kos ncig (parentheses).

Cov Me Nyuam Tsis Nto 2 Xyoos	Cov Me Nyuam Muaj 2 Xyoos thiab Loj Dua	Cov Me Nyuam Qib Kawm Ntawv	Pab Me Nyuam Zov Tau Coob Tshaj Plaws
0 +	8 +	(0) =	8
1 +	7 +	(0) =	8
2 +	5 +	(1) =	8
3 +	2 +	(3) =	8
4 +	0 +	(2) =	6

Cov Chaw Muaj Ntawv Tso Cai Zov Me Nyuam Ua Pab Pawg (Licensed Group Child Care Centers)

Ib qhov chaw zov me nyuam muaj txoj cai tswj raws li DCF 251 uas ib tus tib neeg zov me nyuam tsawg dua 24 teev hauv ib hnuv twg thiab saib xyuas 9 tug me nyuam los yog ntau dua uas tsis txheeb ze rau tus neeg zov me nyuam.

Me Nyuam Qib Hnuv Nyoog	Yug los txog 2 xyoos	2 xyoos txog 2 xyoos thiab ½	2 xyoos thiab ½ txog 3 xyoos	3 xyoos	4 xyoos	5 xyoos	6 xyoos thiab loj dua
Neeg Ua Hauj Lwm Zov Tau Pes Tsawg Tus Me Nyuam*	1:4 los sis .25	1:6 los sis .167	1:8 los sis .125	1:10 los sis .10	1:13 los sis .077	1:17 los sis .059	1:18 los sis .056
Pab Me Nyuam Zov Tau Coob Tshaj Plaws	8	12	16	20	24	34	36

* Yuav muab neeg zov kom haum rau cov pab pawg me nyuam hnuv nyoog sib txawv

Cov Chaw Muaj Ntawv Tso Cai Zov Me Nyuam Yav Nruab Hnuv (Licensed Day Camps for Children)

Ib qhov chaw zov me nyuam muaj txoj cai tswj raws li DCF 252 uas zov thiab saib xyuas 4 tug me nyuam los yog ntau dua, hnuv nyoog 3 xyoos thiab loj dua, zov raws caij ntuj zeeg nyob rau sab nraum zoov tsawg dua 24 teev hauv ib hnuv twg.

Chaw Muaj Ntawv Pov Thawj Zov Me Nyuam Hauv Tsev (Certified Family Child Care)

Ib qhov chaw zov me nyuam muaj txoj cai tswj raws li DCF 202 uas ib tug neeg zov thiab saib xyuas tsawg dua 24 teev hauv ib hnuv twg rau tsis pub tshaj 3 tug me nyuam tsis nto hnuv nyoog 7 xyoos uas pab me nyuam coob tshaj plaws yog zov tau txog 6 leej, nrog rau tus neeg zov me nyuam cov me nyuam uas yog nws li uas tsis nto hnuv nyoog 7 xyoos.

Cov Chaw Muaj Ntawv Pov Thawj Zov Me Nyuam Qib Hnuv Nyoog Kawm Ntawv (Certified School-Age Programs)

Ib qhov chaw zov me nyuam ua pab pawg muaj ntawv pov thawj raws li DCF 202 uas zov thiab saib xyuas cov me nyuam qib hnuv nyoog kawm ntawv 7 xyoos thiab loj dua.

IB LO LUS TXOG WISCONSIN KEV ZOV ME NYUAM COV KEV CAI TSWJ

Txhua tus neeg uas zov thiab saib xyuas rau 4 tug me nyuam los yog ntau dua tsis nto hnuv nyoog 7 xyoos mus tsawg dua 24 teev hauv ib hnuv twg yuav tsum muaj ntawv tso cai los ntawm lub Department. Cov zam tau ntawm txoj cai no yog:

- Ib leej niam leej txiv, niam tais yawm txiv pog yawg, pog koob yawg koob, niam tshiab txiv tshiab, nus kwv tij, muam viv ncaus, muam nus npaws, tub xeeb ntxwv, ntxhais xeeb ntxwv, txiv dab laug, los yog muam phauj ntawm tus me nyuam, txawm yuav yog txheeb raws roj ntsha los yog raws kev txij nkawm los yog saws los raws kev cai lij choj, uas yog tus zov thiab saib xyuas tus me nyuam.
- Cov tsev kawm ntawv dawb thiab tsev kawm ntawv ntseeg ntuj.
- Txoj kev zov nyob hauv tus me nyuam leej niam leej txiv lub tsev tsawg dua 24 teev hauv ib hnuv twg.
- Cov counties, cov nroog, cov zos, cov cheeb tsam tsev kawm ntawv thiab cov tsev qiv ntawv uas muaj chaw zov me nyuam pab rau txoj kev koom txoos los yog kev lom zem ua si.
- Ib qhov chaw zov me nyuam uas tsis zov ntev tshaj 4 teev hauv ib lis piam twg.
- Cov kev kawm txuj ci ua pab pawg los yog laj lim plab plaw xws li seev cev los yog suab paj nruag, cov rooj sib tham sib raug zoo thiab cov kev ua ub no, cov pab pawg ntaus pob ncaus pob.
- Ib qhov chaw uas cov niam cov txiv yeej nyob ua ke ntawm qhov chaw zov thiab koom nrog kev mus khw, kev ua si los yog lwm cov dej num tsis txuam rau txoj kev khwv ua hauj lwm.
- Cov kev zov raws caij ntuj zeeg ntev li kaum hnuv los yog luv dua hauv ib lub caij nyoog 3 hlis, xws li cov kev zov yav nruab hnuv, kev kawm vaj lug kub thaum caij tawm mus ncig ua si thiab cov kev zov thaum cov hnuv caiv.
- Cov kev zov thaum muaj xwm kub ceev.
- Zov thiab saib xyuas tsis ntev tshaj 3 teev hauv ib hnuv twg thaum leej niam leej txiv muaj hauj lwm ua nyob ntawm cov chaw zov tus me nyuam.
- Qhov chaw zov uas tus me nyuam yog ib tug tau txais kev pab ntawm temporary assistance to needy families, los yog Wisconsin works, uas koom nrog txoj kev kawm txog cov kev pab, kev rau npe los yog thawj zaum ntsuam xyuas los yog thaum cov niam cov txiv muaj kev kawm los yog kev pab sab laj tswv yim.

Cov cai tswj teeb tsa kom muaj cov qauv siv rau txoj kev zov me nyuam kom txaus, tiam sis cov cai yuav lees tsis tau txoj kev zov me nyuam kom zoo. Vim li ntawd, niam txiv txoj kev raus tes thiaj li tseem ceeb heev.

YOG KOJ MUAJ LUS NUG, KEV TXHAWJ XEEB LOS YOG KEV TSIS TXAUS SIAB

Xub thawj, tham nrog tus neeg zov koj tus me nyuam thiab sim daws qhov teeb meem. Yog tsis pab, thiab koj xav tias tus neeg zov me nyuam ua txhaum lub xeeb ib txoj cai tswj txoj kev muab ntawv tso cai zov me nyuam, hu rau qhov chaw lis dej num ntawm cheeb tsam raws li tsim nyog. Xyuas <https://dcf.wisconsin.gov/cclicensing/contacts> los yog hu rau 1-800-362-7353 kom paub qhov chaw hu cuag tau. Yog koj xav tias tus neeg zov me nyuam ua txhaum cov kev cai muab ntawv pov thawj zov me nyuam, hu rau qhov chaw khiav hauj lwm muab ntawv pov thawj raws li tsim nyog. Xyuas <https://dcf.wisconsin.gov/files/ccregulation/cccertification/certifiers.pdf> kom paub qhov chaw khiav hauj lwm muab ntawv pov thawj hauv koj lub county los yog hu rau 1-800-362-7353 kom paub qhov chaw hu cuag tau.

KEV ZOV ME NYUAM ZOO YOG DAB TSI?

Nqe lus nug no tsis muaj ib lo lus teb tau yooj yim, teb tau sai. Kev ntsuam xyuas txoj kev zov me nyuam kuj zoo li yog ib txoj hauj lwm hnyav, tshwj xeeb yog koj tseem tshiab rau kev zov me nyuam cov kev pab. Cov nqe lus teev hauv qab no yuav pab tau. Yuav kom ntsuam xyuas mus thoob txhij txhua, xyuas ib ntu zuj zus ntawm cov nqe lus, los yog, yog koj nyiam, xyuas cov ntu uas tseem ceeb tshaj plaws rau koj. YoungStar yog Department of Children and Families tsim los pab txhim kho txoj kev zov Wisconsin cov me nyuam kom zoo dua qub. Xav nrhiav qhov chaw zov me nyuam muab kev nyab xeeb, ua tau hauj lwm zoo nyob hauv Wisconsin, mus saib Regulated Child Care and YoungStar Public Search phab ntawv

<http://childcarefinder.wisconsin.gov/Search/BasicSearch.aspx>

Cov Neeg Zov Me Nyuam

- Lawv puas zoo li nyiam ua hauj lwm nrog me nyuam?
- Lawv puas zoo li yog neeg sov siab, hlub tshua neeg?
- Lawv puas tham nrog koj qheb siab lug thiab qhia ncaj nraim txog lawv cov kev cai?
- Lawv kawm tiav dab tsi thiab tau zov me nyuam npaum li cas dhau los? Lawv puas tau txais kev cob qhia tsis tu ncuu?
- Lawv puas zoo li sib raug zoo?

Kev sib fim ntawm neeg zov me nyuam / tus me nyuam

- Lawv puas khoov qis txog me nyuam qib qhov muag thaum hais lus los yog mloog me nyuam?
- Lawv puas txhawb cov me nyuam kom tham txog lawv cov kev xav?
- Lawv puas txhawb cov me nyuam kom txawj daws tej kev chim siab yam tsis mob lwm cov?
- Lawv puas hwm cov me nyuam muaj kev sib txawv?
- Txoj kev cob qhia me nyuam puas ntsuas txog yam tus me nyuam ua es txhob yog yam tus me nyuam yuav tsum tsis ua?
- Lawv puas teeb kev txwv txiav tsim nyog thiab cia cov me nyuam xaiv thaum tsim nyog?
- Lawv puas hais cov lus, siv lub suab lus thiab coj cov yam ntxwv hwm cov me nyuam? Faj seeb: Saib cov kev cai muab ntawv tso cai thiab ntawv pov thawj txog cov kev tsis pub rau txim.
- Lawv puas ua siab ntev kheev me nyuam ua li siab nyiam thiab kawm txoj kev rov pab tus kheej?
- Cov me nyuam puas khab seeb thaum sib tham nrog cov neeg zov me nyuam?
- Cov me nyuam puas zoo li kaj siab ua ub no thiab nyob tsis ntxhov siab?
- Puas muaj neeg zov me nyuam txaus raws li lub xeev cov cai kom muaj?

Ib puag ncig chaw

- Cov chaw ua si puas huv si thiab loj txaus rau me nyuam txav mus los thiab nyob nyab xeeb?
- Lub chaw dhia ua si puas nyab xeeb thiab puas muaj ib tus neeg muaj hnuv nyoog saib xyuas?
- Cov khoom ua si puas ruaj thiab ua hauj lwm zoo?
- Cov khoom siv tswv yim ua si, cov khoom ua si thiab tej yam li ntawd puas muab cia rau qhov chaw uas me nyuam ncav cuag?
- Cov khoom dai phab ntsa puas dai txij me nyuam qib qhov muag pom?
- Puas ntsaws npog cov qhov hluav taws xob?
- Cov kua tshuaj ntxuav tsev, cov tshuaj noj tshuaj haus, cov tshuaj lom tuag, cov ciaj ntse hau, cov ntais ntawv, thiab tej yam li ntawd puas muab khaws cia kom deb ntawm cov me nyuam?
- Qhov chaw puas yog ib qhov chaw tsis muaj lwm cov khoom phem: xim thas tsev nti, xov hluav taws xob tshwm, cov kav dej kub tsis npog, cov tshuab cua kub los yog cua sov tsis muab thaiv?
- Puas xyaum cov kev khiav tawm tsev kub hnyiab thiab cua daj cua dub?
- Puas dai cov xov tooj hu thaum muaj xwm kub ceev ze rau ntawm lub xov tooj?
- Puav muaj cua sov, cua khiav mus los thiab teeb ci txaus tsim nyog?
- Cov chav dej puas huv si thiab tsis muaj kab mob?
- Puas muaj rooj tiag taw hauv cov chav dej pab cov me nyuam me ncav cuag cov qhov dej los yog dab dej?

Chaw Zov / Cov Kev Ua Ub No

- Puas muaj cov sij hawm teem ua ub no txhua hnuv? Puas teeb tim zoo kom tsis tau coj nruj?
- Cov tes dej num npaj puas haum raws cov me nyuam qib hnuv nyoog thiab qib peev xwm?
- Puas muaj cov kev ua ub no sab hauv tsev thiab sab nraum zoov?
- Puas muaj sij hawm dhia ua si thiab ua si ntsiag to?

- Puas muaj ib lub sij hawm pw los yog so?
- Puas muaj cov kev ua ub no uas teeb tim muaj chaws nrog rau cov sij hawm leej twg xav ua dab tsi los muaj rau xaiv?
- Puas muaj caij nyoog rau cov home kev sib txuam txawv—pab coob tus ua si, pab tsawg tus ua si, sij hawm rau tib leeg ua?
- Puas muaj cov khoom rau ntau hom kev ua si sib txawv—yeeb yam, suab paj nruag, qoj ib ce, kawm lus, txuj ci siv yas cev loj thiab yas cev me, kev ua khoom zoo nkauj, ua si nrog av suab puam thiab dej?
- Puas muaj tej nroj tsuag rau me nyuam saib thiab tu?
- Puas muaj tsiaj txhu nyob hauv thaj tsam qhov chaw zov me nyuam uas me nyuam kov tau? Cov tsiaj puas tau txhaj tshuaj tiv thaiv kab mob? Cov tsiaj puas ncawg me nyuam? Puas muaj neeg nrog saib ntsoov?
- Puas coj cov me nyuam mus ua ub no hauv lub zej zog—cov tiaj ua si, cov tsev qiv ntawv, cov tsev khaws noob neej qub txeeg qub teg, cov kev tawm mus ncig? Puas muaj neeg txaus nrog saib xyuas?

Tsheb thauj mus los

- Cov tsheb siv thauj me nyuam puas muaj ntawv pov hwm, thiab qhov chaw zov me nyuam txoj cai puas teev txog ntawv pov hwm tsheb thauj mus los them rau dab tsi?
- Cov tsheb puas ua hauj lwm zoo nyab xeeb tsis raug dab tsi?
- Puas siv cov rooj me nyuam zaum hauv tsheb thiab cov rooj tshoom me nyuam zaum hauv tsheb zoo txaus kom nyab xeeb tsis raug dab tsi?
- Qhov chaw zov me nyuam puas muaj ib tus txeeg txeem tswj xyuas kom tsis pub muaj ib tug me nyuam muab tso rau hauv tsheb tsis muaj neeg xyuas?
- Cov tsheb txaus 6 tus neeg zaum los yog ntau dua ntxiv nrog rau tus tsav tsheb puas nruab muaj lub tswb nrov kom tsis pub muaj ib tug me nyuam muab tso rau hauv tsheb tsis muaj neeg xyuas?

Lwm yam uas yuav tau xyuas txog

- Puas muab daim ntawv tso cai / ntawv pov thawj zov me nyuam dai rau sawv daws pom?
- Puas zoo siab txais tos txhua lub sij hawm cov niam cov txiv tuaj saib qhov chaw txawm tau qhia paub los yog tsis tau qhia paub ua ntej?
- Puas muaj caij nyoog rau leej niam leej txiv / tus neeg zov me nyuam sib tham?
- Qhov chaw no puas yog ib qhov chaw uas koj yuav kaj siab siv koj lub sij hawm nyob rau hauv?
- Puas muab cov ntaub ntawv hais txog qhov tuaj saib qhov chaw zaum tas los no dai rau sawv daws pom?
- Cov neeg ua hauj lwm thiab neeg zov me nyuam puas ntxuav lawv tes ua ntej noj mov thiab tom qab siv chav dej los yog hloov ntaub qhww me nyuam pob tw tag?
- Cov puas noj thiab khoom txom ncauj puas muaj txhij thiab yog khoom zoo noj?
- Qhov chaw npaj khoom noj puas tu huv si thiab tsis muaj kab mob?
- Puas muab cov ntawv teev qhia puas noj hauv cov chaw zov me nyuam dai rau sawv daws pom?

DCF yog ib tus tswv hauj lwm thiab yog ib qhov chaw muab kev pab cuam muaj vaj huum sib luag rau sawv daws. Yog tias koj muaj ib tus mob xiam oob qhab thiab xav tau cov ntaub ntawv no ua lwm hom, lossis xav kom muab txhais ua lwm yam lus, hu rau BECR ntawm dcfclcreg@wisconsin.gov, 608-421-7550 (siv dav dav), lossis Wisconsin Relay Service (WRS) 711. Rau cov lus nug txog neeg txoj cai hu rau 608-422-6889 (siv dav dav), lossis Wisconsin Relay Service (WRS) 711.